

B. Náms tími.

Fjöldi kennslustunda fyrir bóklega kennslu á námskeiðum skal a.m.k. vera eftirfarandi:

- Grunnnámskeið, sbr. 3. mgr. 17. gr. 18 kennslustundir.
- Framhaldsnámskeið um flutninga með farmgeymum, sbr. 4. mgr. 17. gr. 12 kennslustundir.
- Framhaldsnámskeið um flutning á sprengifimum efnum í flokki 1, sbr. 5. mgr. 17. gr. 8 kennslustundir.
- Framhaldsnámskeið um flutning á geislavirkum efnum í flokki 7, sbr. 6. mgr. 17. gr. 8 kennslustundir.

Gera skal ráð fyrir að hver kennslustund sé 45 mínútur.

Að jafnaði skal fjöldi kennslustunda ekki fara yfir 8 á einum degi.

Verkleg kennsla á grunnnámskeiði og námskeiði um flutninga með farmgeymum skal vera um hjálp í viðlögum, meðferð handslökkvibúnaðar og aðgerðir við slys eða óhapp.

VÐAUKI XII**Endurmenntunarnámskeið.**

Á endurmenntunarnámskeiðum samkvæmt 18. gr. skal fara í ný tæknileg, lögfræðileg og efnisleg atriði í gildandi ADR-samningi og upprifjun á námsefni fyrri námskeiða.

Hvert endurmenntunarnámskeið skal vara a.m.k. einn dag og að jafnaði skal að hámarki kenna 8 kennslustundir yfir daginn.

29. desember 2000

Nr. 985

GJALDSKRÁ**fyrir sorphirðu í Reykjavík.**

1. gr.

Innheimta skal gjald fyrir sorphirðu í Reykjavík svo sem nánar greinir í gjaldskrá þessari.

2. gr.

Sorphiðugjald fyrir íbúðarhúsnæði:

	<i>Vikuleg tæming:</i>	<i>Tæming á 10 daga fresti:</i>
Ílát 240 l	6.600 kr./ári	6.050 kr./ári
Gámur 660 l	23.100 kr./ári	21.175 kr./ári
Gámur 1100 l	42.900 kr./ári	41.525 kr./ári
Poki 100 l	3.000 kr./ári	2.750 kr./ári

Tunnuleiga er innifalin í gjaldinu.

3. gr.

Sorphiðugjald fyrir atvinnuhúsnæði:

	<i>Vikuleg tæming:</i>	<i>Tæming á 10 daga fresti:</i>
Ílát 240 l	8.600 kr./ári	7.700 kr./ári
Gámur 660 l	30.100 kr./ári	27.100 kr./ári
Gámur 1100 l	55.900 kr./ári	50.300 kr./ári
Poki 100 l	3.850 kr./ári	3.400 kr./ári

Ílátaleiga er innifalin í gjaldinu.

4. gr.

Um innheimtu gjalda fer samkvæmt 25. gr. laga nr. 7/1998 um hollustuhætti og mengunarvarnir. Gjöld samkvæmt gjaldskránni má innheimta með fjárnámi.

Innheimtudeild Reykjavíkurborgar annast innheimtu gjalda skv. gjaldskrá þessari.

5. gr.

Gjalddagi gjalda skv. 2. og 3. gr. er útgáfudagur reiknings og eindagi 30 dögum síðar. Dráttarvextir reiknast frá gjalddaga, séu gjöldin ekki greidd á eindaga.

6. gr.

Gjaldskrá þessi, sem samin er og samþykkt af borgarráði Reykjavíkur með heimild í 25. gr. laga nr. 7/1998 um hollustuhætti og mengunarvarnir með síðari breytingum og 21. gr. reglugerðar nr. 805/1999 um úrgang, staðfestist hér með og öðlast gildi við birtingu. Um leið falla úr gildi 7. og 8. gr. samþykktar nr. 765/1998 um sorphirðu í Reykjavík.

Reykjavík, 29. desember 2000.

Ingibjörg Sólrún Gísladóttir.

Nr. 986

HEIÐURSMERKI FÁLKAORÐUNNAR

Eftirtaldir menn voru sæmdir heiðursmerki hinnar íslensku fálkaorðu á árinu 2000:

I. Íslenskir ríkisborgarar.

1. janúar 2000:

Anna Prúður Þorkelsdóttir, formaður Rauða kross Íslands, Reykjavík, riddarakross fyrir störf í þágu mannúðarmála.

Áslaug Sigurbjörnsdóttir hjúkrunarfræðingur, Reykjavík, riddarakross fyrir mannúðarstörf.

Birna G. Bjarnleifsdóttir, Reykjavík, riddarakross fyrir fræðslustörf í þágu ferðamála.

Grímur Eystorey Guttormsson kafari, Reykjavík, riddarakross fyrir störf í þágu hafnargerðar og umhverfisverndar.

Guðný Halldórsdóttir leikstjóri, Mosfellsbæ, riddarakross fyrir kvikmyndagerð.

Jóhann Sigurðsson útgefandi, Reykjavík, riddarakross fyrir forystu í heildarútgáfu Íslendingasagna á ensku.

Ólafur Haukur Árnason ráðunautur, Reykjavík, riddarakross fyrir störf að bindindismálum og áfengisvörnum.

Óskar H. Gunnarsson framkvæmdastjóri, Reykjavík, riddarakross fyrir framfarastörf í osta- og mjólkuriðnaði.

Sigríður Dúna Kristmundsdóttir dósent, Reykjavík, riddarakross fyrir störf að jafnréttismálum.

Þorkell Bjarnason ráðunautur, Laugarvatni, riddarakross fyrir störf við ræktun íslenska hestsins.

Þórunn Sigurðardóttir framkvæmdastjóri, Reykjavík, riddarakross fyrir störf í þágu menningar og lista.